



23.09.2024

UKA2024/23

**Siunnersuut uunga Kalaallit Nunaanni sulinermi ajoqusernermut isumannaarineq pillugu inatsisip allangortinneqarnissaanut pillugu Inatsisissamut Siunnersuummut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissarineq, sulinermi ajutoornerit il.il. pineqartillugit akuersaarnissamut apeqquummik sukanganninnerusumik nalilersuineq)**

### **Isumaginninnermut, Ilaqutariinnermut, Suliffeqarnermut Nunamullu Namminermut Naalakkersuisoq**

Siumuminngaaniit inatsisissaq pillugu imaattumik oqaaseqassaagut. Siumuminngaaniit pingaartitarivarput suliffeqarfiit suulluunnit suliffigineqartut innuttaasunik sillimaniarnikkut ersarissumik paasineqarsinnaasunillu atugassaqartitsisussat. Una inatsisissaq 2018-mi kingullermik nutarsarneqarpoq. Siumuminngaaniit pingaartitarivarputtaaq inatsisit ullutsinnut malinnaatillugit nutarterneqarnissaannik paasinarumillu atuisunut atortussangortinneqarnissaat, taamaamat massakut inatsisip pineqartup nutarterneqarnissaanik iluarisimaarinnilluta peqataaffigissavarput. Uanimi innuttaasut sulisut tamarmik isumannaarneqartussaassammata una inatsit sillimatitit nutarterneqartoq inatsisartuni akuerineqassappat.

Qallunaat nunaanni beskæftigelsesministerie tassa suliassaqartitsinermi ministeriaqarfik ukioq 2019-20-21 qallunaat sulinermi ajoqusernermi isumannaarinnermut inatsimmik tunngasumik suliaqarput. Tassanilu aamma nunatsinnut tulluarsarlugu inatsisissaq imaqartussaavoq. Ajutoortut aamma qimataasut inatsimmi assingini peqalernissaq nunatsinni siunertaavoq.

Uani allannguutissat ilaat naatsumik oqaatigilaassuakka.

Sillimasiisarfip suliassartik piffissarititaasup iluani naammassinnissinnaassusaa eqqaassagaanni eqquutinneqarneq ajormat massakut inatsisissap nutaassap piumasaqaatai naammassinnissinnaassusiat nukittorsarneqarnissaa sulissutigineqassavoq kingunerissavaalu annerusumik eqaannerusumik pisariinnerusumillu ingerlatsisinnaalertoqarnissaa.

Uanilu aamma inatsisissami allannguutit ilagisussaassavaat inuk ajoqusernermini ulloq sulinngiffigisaa siullermiit nalunaarutigineqarnissaani aallaavinnngussasoq.

Aammalu taarsiissutissat ullutsinnut naleqquttunngornissaannik nutarterinissat pisussaalissaaq. Akit ullutsinnut naleqquttut aallaavigalugit kiisalu naleqqersuutigineqartut qangarnisanngornerisa allangortinneqarnissaannik kinguneqassavoq. Kiisalu aningaasat taarsiissutigineqartussat ataasiartumik tunniunneqarsinnaanngornerat periarfissannngussaaq.

Kiisalu aamma sillimasiisarfiiit suliainnik ajutuussagaluarpata allat suliaqartartut sillimasiisarfinni misilittagaqarluartut suliaannik nangitsisinnaanissaat isumannaarneqassavoq uani siunnersuummi.

Kingullertullu pineqarput teknikkut pingaarutillit allangortinneqarnissaat uani inatsisip massakut ullutsinni atuunnerata tulluukkunnaarsimanerisaasa kingunerisaanik pingaartut allangortiterneqassapput.



allannguissamik qulequttat pingaartutut taasaat ukuupput:

- *Sulinermi ajutoornerni akuersaarnissamut apeqquummik sukangannginnerusumik nalilersuineq*
- *Inatsisitigut aalajangikkatut killissarisanik atorunnaarsitsinerit*
- *Sulinermi ajutoornernik nalunaarutiginninnermut piunasaqaatit allannortitat*
- *Aningaasannortitsinermut naleqqersuutit nutarsakkat*
- *Aalajangiussinernik aalajangiussaasimasunik tamanik nalilersueqqinnissamut Arbedsmarkedets Erhvervssikringimut aqutissiuineq*
- *Sillimmasiisarfik akiliisinnaajunnaaraangat imaluunniit sulinermi ajutoornermut sillimmasiissutinik ingerlatsinissamut akuersissummik arsaarneqaraangat, sulinermi ajutoornermut sillimmasiinernik aqutsinerup Erhvervssikringimiit ajutoornermut sillimmasiisarfinnut Garantifondimut nuutsinneqarnera*
- *Nioqutinut akisussaaffeqarnermut malittarisassianik sunniivigeqateqarneq*
- *Aalajangersakkat sinneri teknikkertaanut tunngsut.*

Uani tusarniaanermi siumuminngaaniit maluginiarsimavarput sulisartut kattuffianinngaaniit qisuariaat tassa toqasoqarnermi ikaarsaarfimmi aningaasat tassaniiginnarnissat kissaatigineqarsimasoq. Tamanna aamma ataatsimiititaliami eqqartorluarneqarnissaa kissaatigissavarput.

Naalakkersuisut Inatsisissaq nutartigaq ullutsinnut tulluarsagaq siumuminngaaniit nunatsinni innuttaasunut iluaqutaalluarnissaanik kinguneqarluarnissaalu naatsorsuutigilluinnarparput. Taamaammat Naalakkersuisut siunnersuutaat ilalerlugu aappassaaniinginnerani ataatsimiititaliamut susassaqtumut ingerlateqiipparput.

Mala Høy Kúko

Siumut